

日湖漁唱
燕喜詞

補遺
續補遺



日
湖
漁

唱
續補遺
續補遺

陳允平
撰

中
華
書
局

此據粵雅堂叢書
本排印初編各叢
書僅有此本

右日湖漁唱一卷。宋陳允平撰。案允平字君衡。號西麓。句章人。張炎樂府指迷稱詞欲雅而正。志之所之。一爲物所役。則失其雅正之音。近代陳西麓所作。平正亦有佳者。我朝朱竹垞撰詞綜。嘗謂論詞必出於雅正。故曾慥錄雅詞。銅陽居士輯復雅。其論實本於炎。而炎以屬之西麓。固倚聲嫡派矣。考西麓詞。如摸魚兒云。春已暮。縱燕約鶯盟。無計留春住。江城子云。燕初還。杏花殘。簾裏春深。簾外雨聲寒。祝英臺近云。春自年年。花自爲春開。是他春爲花愁。花因春瘦。花殘後人未歸來。清平樂云。去年共倚秋千。今年獨倚闌干。誤了海棠時候。不成直待花殘等句。清轉華妙。宜玉田生秀冠江東。亦相推挹矣。厲樊榭等南宋雜事詩注。稱西湖十景。始自南宋。瞿宗吉稱周草窗賦木蘭花慢。張子成賦應天長。皆晚宋名作。今草牕十景。已軼不傳。獨張子成。陳君仲所作具在。各存五首。以見勝槩。蓋亦甚重其詞也。又

知西麓字君衡。復字君仲。抑傳寫之訛也。此本爲江都秦太史恩復所刻。自署所居曰詞隱草堂。蓋亦究倚聲之學者。咸豐辛亥三月之望。時清明後十一日矣。南海伍崇曜謹跋。

日湖漁唱目錄
慢

摸魚兒

木蘭花慢

絳都春

醉江月

倦尋芳

大酺

永遇樂

月上海棠

疎影

暗香

水龍吟

齊天樂

醉江月

桂枝香

漢宮春

木蘭花慢

寶鼎現

八寶粧

畫錦堂

綺羅香

西湖十詠

探春

百字令

八聲甘州

齊天樂

渡江雲

引令

明月引

江城子

惜分飛

祝英臺近

南歌子

秋霽

掃花遊

驀山溪

黃鶯兒

婆羅門引

糖多令

思佳客

五首

長相思

戀繡衾

戀繡衾

謁金門

青玉案

南歌子

清平樂

浣溪沙

謁金門

小重山

糖多令

思佳客

壽詞

瑞龍吟

八聲甘州

菩薩蠻

戀繡衾

醉桃源

謁金門

鷓鴣天

朝中措

霜天曉角

柳梢青

四首

糖多令

渡江雲

三犯渡江雲

日湖漁唱 目錄

過秦樓

醉蓬萊

法曲獻仙音

八聲甘州

蘭陵王

木蘭花慢

摸魚兒

漢宮春 二首

風入松

西湖明月引

臨江仙

少年遊

鷓鴣天

霜天曉角

日湖漁唱

慢

句章 陳允平 君衡

摸魚兒

西湖
送春

倚東風。畫欄十二。芳陰簾幕低護。玉屏翠冷梨花瘦。寂寞小樓煙雨。
腸斷處。悵折柳柔情。舊別長亭路。年華似羽。任錦瑟聲寒。瓊簫夢遠。
羞對彩鸞舞。文園賦。重憶河橋眉嫵。啼痕猶濺紈素。丁香共結相
思恨。空託繡羅金縷。春已暮。縱燕約鶯盟。無計留春住。傷春倦旅。趁
暗綠稀紅。扁舟短棹。載酒送春去。

木蘭花慢

賦杜
丹

杜鵑聲漸老。過花信。幾番風。愛翠幄籠晴。文梭颺暖。欄檻青紅。新粧
步搖未穩。捧心嬌。乍入館娃宮。消得金壺萬朵。護風簾幄重重。忽

忽。少小憶相逢。詩鬢已成翁。且持杯秉燭。天香院落。同賞芳叢。花應怕春去早。儘遲遲待取。綠陰濃。拌却花前醉也。夢隨蝴蝶西東。

絳都春

舊上聲韻。今改平聲。

鞦韆倦倚。正海棠半坼。不耐春寒。滯雨弄晴。飛梭庭院。繡簾閑。梅粧欲試芳情懶。翠顰愁入眉彎。霧蟬香冷。霞綃淚搵。恨襲湘蘭。悄悄池臺步晚。任紅暝杏靨。碧沁苔痕。燕子未來。東風無語。又黃昏。琴心不度春雲遠。斷腸難託啼鴉。夜深猶倚。垂楊二十四欄。

醉江月

賦水仙

漢江露冷。是誰將瑤瑟。彈向雲中。一曲清冷。聲漸杳。月高人在珠宮。暈額黃輕。塗腮粉豔。羅帶織青葱。天香吹散。珮環猶自丁東。回首杜若汀洲。金鈿玉鏡。何日得相逢。獨立飄飄煙浪遠。襪塵羞澣春紅。渺渺予懷。迢迢良夜。三十六陂風。九疑何處。斷魂飛度千峰。

倦尋芳

杏簷轉午。清漏沈沈。春夢無據。鳳錦龜紗。空閉酒塵香霧。流水行雲
天四遠。玉簫聲斷人何處。倦尋芳。鎮情尖翠壓。彊拈飛絮。記舊約
酴醾開後。屈指心期。數了還數。誤我凭欄。幾度片帆南浦。燕懶鶯慵
春去也。落花猶是東風主。正銷凝。被愁鴟。又啼煙樹。

大酺

元夕
寓京

漸入融和。金蓮放。人在東風樓閣。天香吹輦路。淨無雲一點。桂流霜
魄。雪霽梅飄。春柔柳嫩。半捲眞珠簾箔。迢迢鳴鞘過。隘車鈿轡玉。暗
塵輕掠。擁瓊管吹龍。朱絃彈鳳。柳衢花陌。鼇山侵碧落。絳綃遠。春
靄浮鳩鵲。民共樂。金吾禁靜。翠蹕聲閑。遍青門盡停魚鑰。袂襪寒初
覺。方怪失繡鴛弓窄。誤良夜瑤臺約。漸綵霞散。雙闕星微煙薄。洞天
共誰跨鶴。

永遇樂

舊上聲。今移入平聲。

玉腕籠寒。翠欄凭曉。鶯調新簧。暗水穿苔。遊絲度柳。人靜芳晝長。雲南歸鴈。樓西飛燕。去來慣認炎涼。王孫遠。青青草色。幾回望斷柔腸。薔薇舊約。樽前一笑。等閑孤負年光。鬪草庭空。拋梭架冷。簾外風絮香。傷春情緒。惜花時候。日斜尙未成粧。聞嬉笑。誰家女伴。又還採桑。

月上海棠

遊絲弄晚。捲簾看處。燕重來時候。正秋千亭榭。錦窠春透。夢回褪浴華清。凝溫泉絳綃微縐。芳陰底。人立東風。露華如畫。宜酒。啼香淚薄。醉玉痕深。與春同瘦。想當年。金谷步帷初繡。綵雲影裏徘徊。嬌無語。夜寒歸後。鶯窗曉。花閒重攜素手。

疎影

疎影、暗香。白石自度曲也。予過宛陵。登雙溪疊嶂。拊先伯父菊坡先生遺墨有感。借韻以賦。

千峰翠玉。送孤雲伴我。羅窗清宿。拂曉凭虛。春碧生寒。衣單瘦倚筇竹。東風不解吹愁醒。但芳草、溪城南北。認霧鬢遙鎖脩顰。眉嫵爲誰愁獨。江上輕鷗似識。背昭亭兩兩。飛破晴綠。一片蒼煙。隔斷家山。夢遶石窻蘿屋。相看不厭朝還暮。算幾度、赤闌干曲。待倩詩收拾歸來。寫作臥遊屏幅。

暗香

霽天秋色。正倚樓待月。誰伴橫笛。漲綠浮空。閑數河星手堪摘。瀾望澄光練淨。分付與、元暉才筆。煙澹闊雲遠波平。歸鳥趁風席。南國。信音寂。悵鴈渚渡閑。鷺汀沙積。薜碑露泣。時拊遺蹤暗嗟憶。人事空隨逝水。今古但雙流一碧。待辦取、蓑共笠。小舟泛得。

水龍吟

奉川寶
化鳳花

杜鵑啼老春愁。淚痕吹作胭脂雨。飛花亂點。東風枝上。紅翔翠翥。丹
穴鳴初。碧梧棲未。淒涼山塢。悵瓊姬夢遠。玉簫聲斷。孤鸞影。對誰舞。
林下風光自許。算何必。玉京瑤圃。闌干醉倚。遊塵香散。芳菲無主。
經院僧眠。月樓鐘靜。欲飛還駐。待青松化盡。蒼龍頭角。共乘雲去。

齊天樂

澤國樓
偶賦

湖光祇在闌干外。凭虛遠迷三楚。舊柳猶青。平蕪自碧。幾度朝昏煙
雨。天涯倦旅。愛小却遊鞭。共揮談塵。頓覺塵清。宦情高下等風絮。
芝山蒼翠縹緲。黯然仙夢杳。吟思飛去。故國樓臺。斜陽巷陌。回首白
雲何處。無心訪古。對雙塔棲鴉。半汀歸鷺。立盡荷香。月明人笑語。

醉江月

霽空虹雨。傍啼螳莎草。宿鷺汀洲。隔岸人家砧杵急。微寒先到簾鉤。

步幄塵高。征衫酒潤。誰暖玉香篝。風燈微暗。夜長頻換更籌。應是鴈柱調箏。鴛梭織錦。付與兩眉愁。不似樽前今夜月。幾度同。上南樓。紅葉無情。黃花有恨。孤負十分秋。歸心如醉。夢魂飛趁東流。

桂枝香

楊山甫
席上賦

殘蟬乍歇。又亂葉打窗。蛩韻淒切。寂寞天香院宇。露涼時節。乘鸞扇底婆娑影。幻清虛廣寒宮闕。小山秋重。千巖夜悄。舉樽邀月。甚賦得仙標道骨。倩誰搗玄霜。猶未成屑。回首藍橋路迥。夢魂飛越。雕欄翠鬣金英滿。灑西風。非雨非雪。惜花心性。輸他少年。等閑攀折。

漢宮春

芍藥

開盡酴醾。正桑雲麥浪。天氣如秋。南園露梢半折。金粟絲頭。溫香傍酒。儘多嬌。不識春愁。鶯院悄。輕陰弄晚。何人堪伴清遊。偏愛紫裝黃裊。想金壺勝賞。依舊揚州。花前夜闌醉後。斜月當樓。翻階句好。記

日湖漁唱

元暉此日風流。雙鬢改。一枝帽底。如今應爲花羞。

木蘭花慢

和李貧房題張寄閑家圖韻

愛吟休問瘦。爲詩句。幾凭闌。有可畫亭臺。宜春帳箔。寄寄身閑。胸中
四時勝景。小蓬萊。幻出五雲閒。一掬蘋香暗沼。半梢松影虛壇。相
看。倦羽久知還。回首鷺盟寒。記步屨尋雲。呼燈聽雨。越嶺吳巒。幽情
未應共嬾。把周郎舊曲譜新翻。簾外垂楊自舞。爲君時按弓彎。

寶鼎現

雲巖師書燈夕命賦

六鼇初駕。縹緲蓬閬。移來洲島。還是梅飄冰泮。一夜青陽回海表。
漸媚景。傍元宵時候。花底餘寒料峭。更喜報三邊晏靜。人樂清平宇
宙。畫鼓簇隊行春早。擁烟花粉黛繚繞。開洞府桃源路窈。戟外東
風吹岸柳。正翠靄映星橋月榭。十里紅蓮綻了。慶萬家珠簾半捲。綽
約歌裙舞袖。重錦繡幄圍香闥。闔鳳管鸞絲環奏。望非煙非霧。春在壺